



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

CCXXI. Markgraf Friedrich d. J. belehnt Mathias von Jagow mit seinen von
Albrecht Rossow erkauften Besitzungen zu Großen-Schwechten, am 24.
Juni 1448.

Nutzungsbedingungen

[urn:nbn:de:hbz:466:1-56044](https://nbn-resolving.org/urn:nbn:de:hbz:466:1-56044)

zcu Tangermunde, nach Cristi vnfers Herren gebord virczehnhundert Jar vnd darnach Im acht vnd vierzigsten Jare, Am Mantage Nach viti.

R. d. Andreas Haffelmann, Cancellarius et decanus Stendaliensis.

Nota: Sortita est effectum in langen Soltwedel.

Nach dem Churm. Lehn-Copialbuche XXI, fol. 36.

CCXXI. Markgraf Friedrich d. J. belehnt Mathias von Jagow mit seinen von Albrecht Roffow erkaufften Besizungen zu Großen-Schwechten, am 24. Juni 1448.

Wir Fridrich der Junger, von gots gnaden Marggraue zcu Brandenburg etc., Bekennen —, das wir vnserem Rat vnd lieben getruwen Mattis von Jagow, Ritter, zcu eynem rechten manlehne verlihenn haben Eynen Hoff zcu grossen Swechten, den vnser lieber getruwer Albrecht Roffow bissher von vns vnd vnser Herschafft zcu manlehen gehabt, besessen vnd sich des gebrauchet hatt, mit allen seinen freiheiten, gnaden, priuilegien, gerechtikeiten, So denne der Hochgeborne furste, Marggraue Otte seliger, vnser vorfar, den begnadiget, gefreyget vnd gepriuilegiret hat, mit alle seinen zeugehorungen, Huben, wischen, wesen, weiden, puschen, wassern, gerichteten vnd vngerichteten, hogest vnd siedest, bynnen czunfs vnd auff deme felde, daraufs alle Jar Jerlich zcu czinse geben dry marck Stendalischer werunge vnd achte wispel, halb Roggen vnd halb gersten, mit dieffen nachgeschriben Jerlichen czinsen vnd Renten, Als nemlichen Im selben dorffe zcu Swechten Ober Hans Borstal III hunre, Ober dobberkow VI scheffel habern vnd funfzehen eygere, Ober Coppe mertene I schillinge penninge, Ober die word, die hans Schulze hatte, fibendehalb hun, Ober das Haufs, das Her Kruse buwete, III hunre, Ober Greter Crusemarcken Nowen pfenninge vnd ober Cunen Schroter XIII pfenninge mit eyner wisch, gnant der winkel. Das alles denne der gnante Albrecht Roffow vnd Jacoff vnd fridrich, seine Sone, deme gnanten Er Mattis von Jagow vorkowfft vnd für vns mit guten, fryem, vnbedwungen willen vorlassen vnd vbergeben haben etc. —, sunderlichen vorzigen vnd vorlassen wir In den Rofsdiest vnd alles andern dinstes, wie man den genennen mag, nymer auff denselben Hoff zeufordern, vnd geben Im des zcu eynem Inweifere Bernde von der Schulenburg, Ritter. Zcu Orkunde mit vnser anhangendene Infigel vorfigelt vnd geben zcu Tangermunde, nach Cristi vnfers Herrn gebort virczehnhundert Jar vnd darnach Im Acht vnd vierzigsten Jare, An Sandt Johannes tage mittenfommer.

R. Andreas Haffelmann, Decanus Stendal., Cancellarius.

Nach dem Churm. Lehn-Copialbuche XXI, fol. 38.